

全華叢書



金華叢書



駱丞集卷二

唐駱賓王撰

郡後學胡鳳丹月樵校梓

五言古詩

夏日遊德州贈高四

并序

夫在心爲志發言爲詩詩有不得盡言言有不得盡
意僕少負不羈長途虛澹讀書頗存涉獵學劍不待
窮工進不能矯翰龍雲退不能棲神豹霧撫循諸已
深覺勞生而太夫人在堂義須捧檄因仰長安而就
日赴帝鄉以望雲雖文闕三冬而書勞十上嗟乎入

門自媚誰相謂言致使君門隔於九重中堂遠於千里既而交非得免路是亡羊幸嘗敬止敝廬竭來初服遂得載披玉葉款洽金蘭傾意氣於一言締風期於千祀雖交因氣合資得意以敦交道契言忘少寄言而筌道是以輕投木李以代疎麻章句繁蕪心神媿慙庶瞻雅韻竚辱報章則紫耀連星開龍文於劍匣素輝虧月頻驪頷於珠胎云爾

日觀鄰全趙星臨俯舊吳隔津開巨寢稽阜鎮名都紫雲浮劍匣青山孕寶符封疆恢霸道問鼎競雄圖

神光包四大皇威震八區風煙通地軸星象正天樞
天樞限南北地軸殊鄉國闢門通舜賓比屋封堯德
言謝垂鈎隱來叅負鼎職天子不見知羣公詎相識
未展從東駿空戢圖南翼時命欲何言撫膺長歎息
歎息將如何遊人意氣多白雪梁山曲寒風易水歌
泣魏傷吳起思趙切廉頗淒斷韓王劍生死翟公羅
羅悲翟公意劍負韓王氣驕餌去易論忌途良可畏
夙昔懷江海平生混涇渭千載契風雲一言忘賤貴
去去訪林泉空谷有遺賢言投爵里刺來泛野人船

締交君贈縞投分我忘筌成風郢匠斲流水伯牙絃
牙絃忘道術漳濱恣閒逸聊安張蔚廬詎掃陳蕃室
虛室狎招尋敬愛混浮沈一諾黃金信三復白珪心
霜松貞雅節月桂朗冲襟靈臺萬頃濬學府九流深
談立明毀璧拾紫陋羸金鷺濤開碧海鳳彩綴詞林
林虛星華映水澈霞光淨霞水兩分紅川源四望通
霧卷天山靜煙銷太史空鳥聲流向薄蝶影亂芳叢
柳陰低槩水荷氣上薰風風月芳菲節物華紛可悅
將歡促席賞遽爾又歸別積水帶吳門通波連禹穴

贈言雖欲盡機心庶應絕潘岳本自閒梁鴻不因熱
一瓢欣狎道三月聊棲拙棲拙隱金華狎遁訪仙楂
放曠愚公谷消散野人家一頃南山豆五色東陵瓜
野衣裁薜葉山酒酌藤花白雲離望遠青溪隱路賒
儻憶幽巖桂猶冀折疎麻

在江南贈宋五之問

井絡雙源濬潯陽九派長淪波通地穴輪委下歸塘
別島籠朝蜃連洲擁夕漲韞珠澄積潤讓璧動浮光
浮光疑折水積潤疎圓沚玉輪涵地開劍閣連星起

風煙標迥秀英靈信多美懷德踐遺芳端操慚謀已
謀已謬觀光牽迹強恓惶揆拙迷三省勞生昧兩忘
彈隨空被笑獻楚自多傷一朝殊默語千里易炎涼
炎涼幾遷貿川陸疲臻湊積水架吳濤連山橫楚岫
風月雖殊昔星河猶是舊姑蘇望南浦邯鄲通北走
北走平生親南浦別離津瀟湘一超忽洞庭多苦辛
秋江無綠芷寒汀有白蘋采之將何遺故人漳水濱
漳濱已遼遠江潭未旋返爲聽短歌行當想長洲苑
露金薰菊岸風珮搖蘭坂蟬鳴稻葉秋鴈起蘆花晚

晚秋雲日明亭臯風霧清獨負平生氣重牽搖落情
占星非聚德夢月詎懸名寂寥傷楚奏淒斷泣秦聲
秦聲懷舊里楚奏悲無已郢路少知音叢臺富奇士
溫輝凌愛日壯氣驚寒水一顧重風雲三冬足文史
文史盛紛綸京洛多風塵猶輕五車富未重一囊貧
李仙非易託蘇鬼尙難因不惜勞歌盡誰爲聽陽春

詠懷古意上裴侍御

三十二餘罷髡是潘安仁四十九仍入年非朱買臣
縱橫愁繫越坎塹倦遊秦出籠窮短翮委轍涸枯鱗

窮經不需用彈鋏欲誰申天子未驅策歲月幾沉淪
輕生長慷慨效死獨殷勤徒歌易水客空老渭川人
一得視邊塞萬里何苦辛劍匣胡霜影弓開漢月輪
金刀動秋色鐵騎想風塵爲國堅誠款捐軀忘賤貧
勒功思比憲決略暗欺陳若不犯霜雪虛擲玉京春

七言古詩

帝京篇

山河千里國城闕九重門不覩皇居壯安知天子尊
皇居帝里峻函谷鶉野龍山侯甸服五緯連影集星

躔八水分流橫地軸秦塞重關一百二漢家雜宮三
十六桂殿欽崙對玉樓椒房窈窕連金屋三條九陌
麗城隈萬戶千門平日開複道斜通鳩鵲觀交衢直
指鳳凰臺劍履南宮入簪纓北闕來聲名冠寰宇文
物象昭回鈞陳肅蘭彫璧沼浮槐市銅羽應風回金
莖承露起校文天祿閣習戰昆明水朱邸抗平臺黃
扉通戚里平臺戚里帶崇墉炊金饌玉待鳴鐘小堂
綺帳三千戶大道青樓十二重寶蓋雕鞍金絡馬蘭
窗繡柱玉盤龍繡柱璇題粉壁映鏘金鳴玉王侯盛

王侯貴人多近臣朝遊北里暮南鄰陸賈分金將讌
喜陳遵投轄正留賓趙李經過密蕭朱交結親丹鳳
朱城白日暮青牛紺幘紅塵度俠客珠彈垂楊道娼
婦銀鈎采桑路娼家桃李自芳菲京華游俠盛輕肥
延年女弟雙鳳入羅敷使君千騎歸同心結縷帶連
理織成衣春朝桂樽樽百味秋夜蘭燈燈九微翠幌
珠簾不獨映清歌寶瑟自相依且論三萬六千是寧
知四十九年非古來榮利若浮雲人生倚伏信難分
始見田竇相移奪俄聞衛霍有功勳未厭金陵氣先

開石槨文朱門無復張公子
灞亭誰畏李將軍相顧
百齡皆有待居然萬化咸
應改桂枝芳氣已銷亡
柏梁高宴今何在春去春
來若自馳爭名爭利徒爾
爲久留郎署終難遇空埽
相門誰見知當時一旦擅
豪華自言千載長驕奢倏
忽搏風生羽翼須臾失浪
委泥沙黃雀徒巢桂青門
遂種瓜黃金銷鑠素絲變
一貴一賤交情見紅顏宿
昔白頭新脫粟布衣輕故
人故人有湮淪新知無意
氣灰死韓安國羅傷翟廷
尉已矣哉歸去來馬卿辭
蜀多文藻楊雄仕漢乏良
媒

三冬自矜成足用十年不調幾遭迴
汲黯薪逾積孫弘閣未開誰惜長沙傳
獨負洛陽才

疇昔篇

少年重英俠弱歲賤衣冠既託寰中賞
方承膝下歡遨遊灞水曲風月洛城端
且知無玉饌誰肯逐金丸金丸玉饌盛
繁華自言輕侮季倫家五霸爭馳千里
馬三條競驚七香車掩映飛軒乘落照
叅差步障引朝霞池中舊水如懸鏡屋裏
新粧不讓花意氣風雲倏如昨歲月春秋
屢迴薄上苑頻經柳絮飛中園幾

見梅花落當時門客今何在疇昔交朋已疎索莫教
憔悴損容儀會得高秋雲霧廓淹留坐帝鄉無事積
炎涼一朝披短褐六載奉長廊賦文慙昔馬執戟嘆
前揚揮戈出武帳荷筆入文昌文昌隱隱皇城裏由
來奕奕多才子潘陸詞鋒駱驛飛張曹翰苑縱橫起
卿相未曾識王侯寧見擬垂釣甘成白首翁負薪何
處逢知己判將運命賦窮通從來奇舛任西東不應
永棄同芻狗且復飄飄類轉蓬容鬢年年異春華歲
歲同榮親未盡禮徇主欲申功脂車秣馬辭鄉國榮

轡西南使邛焚玉壘銅梁不易攀地角天涯眇難測
鶯嘒蟬吟有悲望鴻來鴈度無音息陽關積霧萬里
昏劍閣連山千種色蜀路何悠悠岷峯阻且脩迴腸
隨九折迸淚連雙流寒光千里暮露氣一江秋長途
看束馬平水且沈牛華陽舊地標神制石鏡娥眉眞
秀麗諸葛才雄已號龍公孫躍馬輕稱帝五丁卓犖
多奇力四士英靈富文藝雲氣橫開八陣形橋影遙
分七星勢川平煙霧開遊戲錦城隈墉高龜望出水
淨鴈文回尋姝入酒肆訪客上琴臺不識金貂重偏

惜玉山頽他鄉冉冉消年月帝里沈沈限城闕不見猿
聲助客啼唯聞旅思將花發我家迢遞關山裏關山迢
遞不可越故園梅柳尙餘春來時勿使芳菲歇解鞅欲
言歸執袂愴多違北梁俱握手南浦共霑衣別情傷去
蓋離念惜光輝知音何所託木落鴈南飛回來望平陸
春來酒應熟相將茵閣卧青溪且用藤杯汎黃菊十年
不調爲貧賤百日屢遷隨倚伏祇爲須求負郭田使我
再干州縣祿百年鬱鬱少騰遷萬里遙遙入鏡川淡
江拂潮衝白日淮海長波接遠天叢竹凝朝露孤山